

215 187/141

REMONSTRANCE DE MONSIEVR LE DVC de CHASTILLON, à Monsieur le Prince de Condé, au Chasteau du Bois-de-Vinciennes, apres la prise de Charenton.

*Avec les Larmes de Madame de Chastillon, sur la
mort de son Mary.*




A PARIS,
Chez P I E R R E T A R G A, Imprimeur ordinaire
del'Archeuesché de Paris, ruë Saint Victor,
au Soleil d'Or.
M. D C. X L I X.

REMONSTRANCE
DE MONSIEUR LE DUC
de CHASTILLON, à Monsieur le
Prince de Condé, au Chateau du
Bois de Vincennes, le 24 Mars 1621
de Chastillon



Imprimé par T. K. A. Imprimerie ordinaire
de la Couronne de France, rue saint Victor
au Palais National, le 24 Mars 1621
M. D. C. L. X. I.



Remonstrance de Monsieur le Duc de Chastillon, à Monsieur le Prince de Condé, au Chasteau du Bois-de-Vinciennes, apres la prise de Charenton. Avec les Larmes de Madame de Chastillon sur la mort de son Mary.

PRINCE, puisque mon mal-heur veut que ma trame soit coupée, & que le sang qui m'estoit resté apres-tant de combats, soit repandu sur le corps de nos propres Freres, que ie ne puis treuver coupables, que parce que vous les auez creus tels, par l'éblouissement d'une fiere ambition, à laquelle ie ne me suis attaché que par l'inviolable nœud, & par les vœux que j'auois fait, de mourir à vos pieds. Vous estes trop considerable pour vous ramenteuoir l'ardeur avec laquelle j'ay combatu sous vos loix; avec quelle constance j'ay enuisagé la mort; & que pour vous donner des marques de mon affection, ie n'ay iamais trouué de perils tels, si affreux qu'ils peussent estre, que ie n'aye trouué au dessus des desirs que j'auois de vous seruir. Deux choses accompagnent mes derniers sanglots: l'une est, de me sentir mourir à l'assaut d'une foible Barricade pour la defence d'un Village entr'ouuert apres tant de Batailles glorieusement remportées, pour vn sujet si illegitime, & pour vne cause dont les objets sont les veritables effets de la violence: ce qui fait que l'on n'entend partout que les plaintes, ou plustost des cris si espouventables, que l'on a de la peine à les distinguer de ceux des animaux les plus cruels & les plus barbares, de voir que vous prenez tant de soin à perdre en vn iour, ce quel Vniuers ne pourroit establir & former en vn siecle, & de

verser le sang avec tant de violence, de ceux qui ont
 senty bouillir le leur à l'aspect des feux de joye, qu'ils ont
 tant de fois allumé en la réjouissance de vos triumphes,
 où tout le peuple a chanté vos loüanges, & si general-
 lement que ceux qui n'en pouuoient donner des mar-
 ques exterieures, à tout le moins vous consacroient leurs
 cœurs. Ce qui me touche de plus, grand Prince, ie ne le
 puis dire sans sentir approcher ma fin, c'est helas, de
 voir que vous venez de flétrir tant de palmes & tant de
 lauriers; tant d'honneur; tant de renommée acquis
 avec tant de traux: d'auoir effacé dans le Temple de
 l'immortalité tant d'Eloges, tant de palmes immortel-
 les: & d'auoir renuersé de vos propres mains les statuës
 de Bronze, & de Porphyre, dressées à vostre memoire &
 consacrées à vostre vertu: Ce qui porteroit par tout le
 monde vn estonnement extraordinaire, d'apprendre
 que vous auiez presque fait, auant de commencer à
 naistre, ce que tant de Heros Glorieux n'ont sçeu faire
 en des siècles. Le meurs satisfait d'auoir eu le temps
 de vous dire mes sentimens, que ie deuois plustost vous
 faire entendre; ie mouray encor plus content si vous
 daignez de faire reflexion sur les dernieres parolles de
 nostre grand & inuincible Monarque **LOUIS LE**
IVSTE, de glorieuse memoire qui en mourant, di-
 soit, qu'un autre **LOUIS** estendroit les frontieres. Il
 ne faut pas, Prince, qu'il aye predict pour quelques an-
 nées, chérissiez cette illustre memoire: cette Royale
 consolation, & conseruez tous les cœurs de ceux qui
 ont eu vn si noble zele, de vous accompagner à la con-
 queste de toute la terre, & rendre le respect qui est
 deub à cette Auguste Senat qui vous a tant estimé, &
 reconnu

reconnu pour liberateur de la France, & le fleau de ses ennemis, & ie vous conjure d'executer ce que Dieu m'inspire en mourant. Receuez, grand Prince, ce dernier aduis de ma bouche, avec mes larmes pour mourir seruiteur du Roy & de la patrie. A Dieu.



Les Larmes de Madame de Chastillon, sur la mort de Monsieur de Chastillon son mary.

LA mort a donc estaint mon Illustre flambeau, la mort ma donc priué de mon astre adorable: Fortune, Parques, funestes Sœurs, que vousay je fait pour auoir consenty à des tourmentes inouys, que ie ressens, à Metamorphoser des plaisirs sans pareils, à des supplices les plus cruels, & les plus inconceuable, à me priuer d'amour & d'amitié, pour tout ce qui peut corrompre aussi bien que charmer les hommes, & les yeux: & à ne me laisser pour toute consolation, que des larmes & des soupirs, à m'auoir osté enfin celuy qui malgré les charmes de la Cour, a sçeu seul charmer mes sens, & obtenir l'Empire saint & absolu sur mon ame & dans mon cœur, à me laisser pour tant de plaisirs, des bourreaux & des tyrans, qui nuit & iour sont inseparables de la gese que ie ressens; Cher & aymable Heros, vniue espoir de ma vie, en quelle part du Ciel que la gloie de tes hauts faits, & de ta valeur t'ayt porté, en tel cercle que Minerue & Bellone t'ayt placé pour contenter le reste des iours que ie n'arreste que pour faire, & laisser à l'vniuers vne exemple d'amour inuiolable, iette les yeux sur les miens baignez de larmes, preste l'oreille

B

reconnu

aux sanglots mortels, que ie tâche de pouffer iusques à
 toy, pour t'aller rejoindre, & te faire auouër que ma
 douleur n'est pas corruptible, & que comme tu n'as
 pas crain la mort en l'affrontant, que ie ne l'aprehen-
 de point, puis qu'au contraire, ie l'inuoque à chaque
 moment, & la conjure de me porter à toy, ne trouuant
 plus rien digne de m'empescher de m'en defendre ? Ce
 que les mortels appellent consolation, est pour moy vn
 cruel tourment, & comme il est impossible de te reuoir,
 il est aussi impossible que ie puisse viure. Ie t'auouë char-
 mant Conquerant que si tu fusses tombé sous le fer, au
 milieu d'vne bataille rangée, d'vn combat animé par
 des Capitaines dignes de te combattre, i'aurois baissé
 leurs mains meurtrieres, & me serois consolée en
 messant tes Lauriers & tes Palmes, à mes Cyprez. I'au-
 rois obligé les Muses, à te faire reuiure, & sur le marbre
 ou le cuiure, i'aurois fait renaistre des Appelles, des Pra-
 xitelles, pour rendre à iamais ta memoire, & ta valeur
 immortelle: mais mourir à l'attaque d'vne barricade
 d'vne bourgade, en perdant ton nom & ta maison, lais-
 ser à nos nepueux, vne mort que l'on prendra pour vne
 tache à ta haute condition. Ouy, cher Espoux, en te per-
 dant, ie pers tout comme toy, & serois fachée qu'il y eust
 quelques vns de ta maison, & de ton nom, de crainte
 que l'on ne luy reprochat, que son ayeul est mort de
 cette sorte, & contre sa propre patrie, & pour la defence
 d'vne cause aussi illegitime, que le party est innocent.
 Ie te demande pardon, si en t'offensant ie t'excuse, & si
 en t'excusant ie t'offence: i'aurois esté indigné d'estre ta
 moitié, si mon cœur n'eust esté aussi noblement placé
 que le tien. Et ce qui me bourelle, que la pensée de la

193
147

sorte de ta mort, ne croit pas que les Roys, les Princes
soient capables de m'empescher de courir à toy. Com-
me ils sont la cause de ta perte, ils n'auroient pas l'avan-
tage de se vanter d'estre les objets de ma conseruation.
Le Mausolée que ie te veux eriger, sera mon cœur, pour
reuiure en toy, & faire confesser à toute la terre que nos
nœuds estoient trop parfaits pour en souffrir la trame.
Et s'il te reste quelque esprit de generosité, preste le
moy, afin de t'aller assurer, que n'ayant plus le bien de
te posseder, qu'il n'y a plus de vie pour ta fidelle, &
la plus affligée de toutes les genercuses Femmes du
monde.

FIN.

forte de la mort, ne croit pas que les Roys, les Princes
 soient capables de m'empêcher de courir à toy. Com-
 me ils font la cause de ta perte, ils n'auroient pas l'avan-
 tage de se vanter d'être les opiateurs de ma conservation.
 Le Malulde que je te veux eriger, sera mon cœur pour
 te nuire en toy, & taie confesseur toute la terre que nos
 rancunes estoient trop paisibles pour en souffrir la ruine.
 Et si l'on te dit que l'esprit de generosité, pousse le
 Roy, à braver aller à l'enfer, que n'ayant plus le bien de
 te posséder, qu'il n'y a plus de vie pour ta fièvre, &
 la plus afflige de toutes les generosités. Fuyes du
 monde.

II. Nourriture

(The following text is extremely faint and largely illegible due to fading and bleed-through from the reverse side of the page. It appears to be a continuation of the philosophical or medical discourse.)